

Na osnovu člana 16. stav (1) i člana 17. stav (2) Zakona o Vladi Hercegovačko-neretvanskog kantona („Službene novine HNK“, broj: 3/07 i 5/09) i člana 28. stav (6), a u vezi sa članom 62a. Zakona o koncesijama Hercegovačko-neretvanskog kantona („Službene novine HNK“, broj: 1/13, 7/16 i 6/18), Vlada Hercegovačko-neretvanskog kantona je na 98. sjednici, održanoj 25.2.2019. godine, donijela

## **ODLUKU**

### **O DODJELI KONCESIJE ZA OBAVLJANJE ELEKTROPRIVREDNE DJELATNOSTI PROIZVODNJE, PRIJENOSA I DISTRIBUCIJE ELEKTRIČNE ENERGIJE ZA ELEKTROENERGETSKI OBJEKAT FOTONAPONSKA SOLARNA ELEKTRANA „VELIKO SUNCE 1“, INSTALISANE SNAGE 149,76 kW, NA LOKALITETU „PJEŠIVAC“, OPĆINA STOLAC**

#### **I**

Vlada Hercegovačko-neretvanskog kantona kao koncesor, dodjeljuje koncesiju za obavljanje elektroprivredne djelatnosti proizvodnje, prijenosa i distribucije električne energije za elektroenergetski objekat fotonaponska solarna elektrana „VELIKO SUNCE 1“, instalisane snage 149,76 kW, na lokalitetu „Pješivac“, Općina Stolac, na zemljištu označenom kao k.č. 991/58 K.O. Pješivac, koncesionaru privrednom društvu „VELIKO SUNCE“ d.o.o. Stolac.

#### **II**

- (1) Koncesija se dodjeljuje na period od 20 (dvadeset) godina.
- (2) Rok trajanja koncesije počinje teći od dana zaključenja ugovora o koncesiji.
- (3) Koncesija prestaje istekom dvadesete godine od dana početka trajanja koncesije.

#### **III**

- (1) Prava i obaveze koncesora i koncesionara precizirat će se ugovorom o koncesiji koji će, uz prethodnu saglasnost Vlade i pribavljeno mišljenje Kantonalnog javnog pravobranilaštva, u ime koncesora s koncesionarom potpisati ministar privrede Hercegovačko-neretvanskog kantona.
- (2) Krajnji rok za potpisivanje ugovora iz stava (1) ovog člana je 60 dana od dana konačnosti ove Odluke.
- (3) Eventualne izmjene i dopune ugovora o koncesiji, te raskid ugovora o koncesiji, ukoliko za to nastanu zakonski uslovi, vrši se na isti način i postupak kao kod zaključenja ugovora.

#### **IV**

- (1) Jednokratna koncesiona naknada iznosi 509,66 KM.
- (2) Tekuća (godišnja) koncesiona naknada za korištenje obnovljivih izvora i obavljanje djelatnosti (TKNd) obračunavat će se prema formuli:  $TKNd = 0,03 \times GBP \times 0,05 \times \sum B$ .
- (3) Sredstvo obezbjeđenja za izvršavanje obaveza plaćanja jednokratne i tekuće (godišnje) koncesione naknade je безусловna bankarska garancija za svaku vrstu naknade posebno, i to u vrijednosti iznosa ovih naknada, a ugovorom o koncesiji pobliže će se propisati ova obaveza koncesionara, kao i rokovi za dostavu ovih garancija, te posljedice neizvršavanja obaveze plaćanja ovih naknada.

## V

(1) Koncesiona djelatnost obavljat će se na način i pod uslovima propisanim svim zakonskim propisima koji regulišu oblast električne energije.

(2) Zakonski propisi i standardi koji regulišu pitanja građenja, zaštite okoline, vodoprivrede i zaštite na radu, su također obavezujući za koncesionara.

## VI

Ugovorom o koncesiji obavezno će se propisati i slijedeće obaveze:

- a) da se koncesionar obavezuje, na svoj trošak i na svoj rizik, pribaviti sve dozvole/saglasnosti koje su propisane posebnim zakonima, a koje je obavezan pribaviti prije početka korištenja koncesije, kao i za vrijeme trajanja ugovora o koncesiji, i fotokopije istih dostaviti koncesoru u roku od 15 dana od dana njihovog pribavljanja;
- b) da će se ugovor o koncesiji raskinuti pod uslovima predviđenim Zakonom o koncesijama Hercegovačko-neretvanskog kantona, kao i ako koncesionar tri godine za redom proizvede na godišnjem nivou manje od 20% od planirane godišnje proizvodnje električne energije;
- c) da je za nadzor nad ostvarenjem koncesije nadležno Ministarstvo privrede, ili lice koje ministar privrede ovlasti, kao i Ministarstvo finansija za nadzor nad ispunjenjem finansijskih obaveza;
- d) da se dodijeljena koncesija može prenijeti na drugo pravno lice u skladu sa Zakonom o koncesijama Hercegovačko-neretvanskog kantona;
- e) sve druge odredbe propisane članom 32. Zakona o koncesijama Hercegovačko-neretvanskog kantona, kao i one koje su od značaja za predmetnu koncesiju.

## VII

Nezadovoljni učesnik postupka za dodjelu koncesije može, u roku od 15 dana od dana objavljivanja ove Odluke, Vladi Hercegovačko-neretvanskog kantona podnijeti zahtjev za preispitivanje Odluke u skladu sa članom 29. Zakona o koncesijama Hercegovačko-neretvanskog kantona.

## VIII

Odluka stupa na snagu danom njene konačnosti, a objavit će se u „Službenim novinama Hercegovačko-neretvanskog kantona“.

Bosna i Hercegovina  
Federacija Bosne i Hercegovine  
**HERCEGOVAČKO-NERETVANSKI KANTON**  
**V L A D A**

Broj: 01-1-02-389/19  
Mostar, 25.2. 2019. godine

**P R E D S J E D N I K**

dr.sc. Nevenko Herceg

## **O B R A Z L O Ž E N J E**

### **Odluke o dodjeli koncesije za obavljanje elektroprivredne djelatnosti proizvodnje, prijenosa i distribucije električne energije za elektroenergetski objekat fotonaponska solarna elektrana „VELIKO SUNCE 1“, instalirane snage 149,76 kW, na lokalitetu „Pješivac“ Općina Stolac**

Dana 10.09.2018. godine privredno društvo „VELIKO SUNCE“ d.o.o. Stolac podnijelo je Ministarstvu privrede Hercegovačko-neretvanskog kantona prijedlog (samoinicijativnu ponudu) za dodjelu koncesije za elektroenergetski objekat fotonaponska solarna elektrana „VELIKO SUNCE 1“, instalirane snage 149,76 kW, na lokalitetu „Pješivac“, Općina Stolac, na zemljištu označenom kao k.č. 991/58 K.O. Pješivac, na osnovu člana 28., a u vezi sa članom 62a. Zakona o koncesijama Hercegovačko-neretvanskog kantona („Službene novine HNK“, broj: 1/13, 7/16, 6/18).

Pravilnikom o prijedlogu, dokumentaciji i postupku za dodjelu koncesije za obavljanje elektroprivredne djelatnosti proizvodnje, prijenosa i distribucije električne energije izgradnjom elektroenergetskih objekata instalirane snage od 23,1 kW do 5MW („Službene novine HNK“, broj: 8/18) – (u daljem tekstu: Pravilnik), propisuje se sadržaj prijedloga i dokumentacija koja se podnosi uz prijedlog za dodjelu koncesije.

Sukladno odredbama članova 8. i 28. Zakona o koncesijama Hercegovačko-neretvanskog kantona, kojima je propisano da je resorno ministarstvo obavezno pribaviti saglasnost jedinice lokalne samouprave na čijoj se teritoriji nalazi predmet koncesije o interesu jedinice lokalne samouprave za dodjelu predmetne koncesije, aktima Ministarstva privrede Hercegovačko-neretvanskog kantona broj: 07-02a)-19-347-2/18 od 13.09.2018. godine i broj: 07-02a)-19-347-6/18 od 03.10.2018. godine zatražena je naprijed navedena saglasnost. Budući da od Općinskog vijeća Općine Stolac nije zaprimljena niti saglasnost niti akt kojim se ne daje tražena saglasnost, to je u skladu sa članom 8. stav (3) Zakona o koncesijama Hercegovačko-neretvanskog kantona smatrano da je saglasnost dana.

Članom 8. stav (3) Zakona o koncesijama Hercegovačko-neretvanskog kantona propisano je da ukoliko jedinica lokalne samouprave u roku od 45 dana od dana podnošenja zahtjeva za davanje saglasnosti, ne dostavi nadležnom ministarstvu saglasnost ili akt kojim se ne daje saglasnost, smatrat će se da je saglasnost dana ukoliko je dodjela predmetne koncesije usklađena sa prostorno planskom dokumentacijom za lokaciju na koju se prijedlog odnosi.

Od Službe graditeljstva, prostornog uređenja, zaštite okoliša i obnove Općine Stolac, pribavljen je Izvod iz prostorno planske dokumentacije broj: 07-02-25-2599/18 od 26.09.2018. godine na osnovu kojeg je utvrđeno da je dodjela predmetne koncesije usklađena sa prostorno planskom dokumentacijom.

Slijedom naprijed navedenog, aktom broj: 07-02a)-19-347-12/18 od 21.11.2018. godine, obaviješteno je Općinsko vijeće Općine Stolac da će Ministarstvo nastaviti postupak dodjele koncesije u skladu sa navedenom odredbom člana 8. stav (3) Zakona o koncesijama Hercegovačko-neretvanskog kantona.

Rješenjem ministra privrede broj: 07-02a)-19-347-5/18 od 03.10.2018. godine, imenovana je Komisija za razmatranje prijedloga i dokumentacije za dodjelu predmetne koncesije. Zadatak ove Komisije je da utvrdi da li je prijedlog za dodjelu koncesije i dokumentacija u prilogu, dostavljena u potpunosti shodno članovima 2., 4. i 6. Pravilnika, te da u okviru svojih stručnih znanja i kvalifikacija razmotri dostavljenu dokumentaciju i da sačini Izvještaj o sadržaju dostavljene dokumentacije. U svezi sa navedenim, Komisija je obavila zadatak i sačinila Izvještaj o sadržaju dokumentacije prikupljene u postupku po prijedlogu privrednog društva „VELIKO SUNCE“ d.o.o. Stolac za dodjelu koncesije koja se odnosi na postrojenje fotonaponske solarne elektrane „VELIKO SUNCE 1“, na lokalitetu Pješivac, Općina Stolac od 31.10.2018. godine i dopunu Izvještaja od 29.11.2018. godine,

kojim je konstatirano da predmetni prijedlog za dodjelu koncesije sadrži podatke propisane članom 2. Pravilnika; da je uz prijedlog za dodjelu koncesije dostavljena dokumentacija propisana članom 4. Pravilnika; da je dostavljena dokumentacija međusobno usklađena; da su ispunjeni uslovi za nastavak postupka dodjele koncesije; da je dostavljenom dokumentacijom podnositelj prijedloga dokazao ispunjenost uslova koji se odnose na ekonomske, socijalne i stručne i tehničke pokazatelje kao i utjecaj na životnu sredinu.

Rješenjem ministra privrede, broj: 07-02a)-19-347-17/18 od 05.12.2018. godine, imenovana je Komisija za utvrđivanje prijedloga iznosa koncesione naknade koja je utvrdila prijedlog iznosa koncesionih naknada, kako slijedi:

- Jednokratna koncesiona naknada iznosi 509,66 KM (slovima: petstotinadevetkonvertibilnihmaraka i 66/100).
- Tekuća (godišnja) koncesiona naknada za korištenje obnovljivih izvora i obavljanje djelatnosti (TKNd) obračunavat će se prema formuli:  $TKNd=0,03 \times GBP \times 0,05 \times \Sigma B$ .

**Na osnovu člana 28. stava (1) Zakona o koncesijama Hercegovačko-neretvanskog kantona, te na osnovu svega naprijed izloženog, Ministarstvo privrede daje mišljenje da su ispunjeni zakonski uslovi za dodjelu koncesije, te dostavlja Vladi Hercegovačko-neretvanskog kantona na procjenu da li postoji javni interes za dodjelu predmetne koncesije.**

**Ukoliko Vlada Hercegovačko-neretvanskog kantona procijeni da postoji javni interes za dodjelu predmetne koncesije, može donijeti Odluku o dodjeli koncesije za elektroenergetski objekat fotonaponska solarna elektrana „VELIKO SUNCE 1“, instalirane snage 149,76 kW, na lokalitetu „Pješivac“, Općina Stolac, Koncesionaru privrednom društvu „VELIKO SUNCE“ d.o.o. Stolac.**

**Ministar  
Željko Lakić**

Prilozi:

1. Prijedlog za dodjelu koncesije privrednog društva „VELIKO SUNCE“ d.o.o. Stolac od 09.10.2018. godine;
2. Dopisi ovog organa broj: 07-02a)-19-347-2/18 od 13.09.2018. godine, 07-02a)-19-347-3/18 od 13.09.2018. godine, 07-02a)-19-347-6/18 od 03.10.2018. godine i 07-02a)-19-347-7/18 od 03.10.2018. godine i broj: 07-02a)-19-347-12/18 od 21.11.2018. godine;
3. Izvod iz prostorno planske dokumentacije broj: 07-02-25-2599/18 od 26.09.2018. godine;
4. Upotrebna dozvola za fotonaponsku elektranu „VELIKO SUNCE 1“, broj: 07-02-25-428/13 od 24.07.2013. godine;
5. Elektroenergetska saglasnost broj: 03-02-2013/0111-5 od 16.04.2013. godine;
6. Rješenje-urbanistička saglasnost Službe graditeljstva, prostornog uređenja, zaštite okoliša i obnove Općine Stolac broj: 07-02-225-153/12 od 19.04.2012. godine;
7. Izvod iz posjedovnog lista broj: 542 Službe za imovinsko-pravne poslove, geodetske poslove i katastar nekretnina Općine Stolac, broj: 06-03-31-1176/18-2 od 20.09.2018. godine;
8. Kopija katastarskog plana Službe za imovinsko-pravne poslove, geodetske poslove i katastar nekretnina Općine Stolac, broj: 06-03-32-1177/2018-2 od 20.09.2018. godine;
9. Zemljišnoknjižni izvadak Općinskog suda u Čapljini, broj: 053-0-NAR-18-005 693 od 07.09.2018. godine;
10. Izvještaj o sadržaju dokumentacije prikupljene u postupku po prijedlogu privrednog društva „VELIKO SUNCE“ d.o.o. Stolac za dodjelu koncesije koja se odnosi na

postrojenje fotonaponske solarne elektrane „VELIKO SUNCE 1“, na lokalitetu Pješivac, Općina Stolac od 31.10.2018. godine i dopuna Izvještaja od 29.11.2018. godine;

11. Izvještaj Komisije za utvrđivanje prijedloga iznosa koncesione naknade od 21.12.2018. godine.